


# Rubatsiro Pakupindura Mibvunzo

Unonzwa sei kana mumwe munhu akakubvunza nezveBhaibheri? Kana uchitya hausi woga. Verenga zvakataurwa naJeremiya uye kurudziro yaJehovha iri pana Jeremiya 1:6-8. Jehovha akabatsira Jeremiya, uye achakubatsirawo kuti ukwanise kutaura nevanhu zvaunotenda zviri muBhaibheri!

Ukagadzirira uchavawo nechivimbo chokutaura. Semhuri, endai pachikamu chinotaura nezve“Mibvunzo Inonyanya Kubvunzwa nezveZvapupu zvaJehovha,” pajw.org. (Tarisai pakanzi NEZVEDU > MIBVUNZO INONYANYA KUBVUNZWA.) Sarudzai mubvunzo ungangobvunzwa. Verengai mhinduro yacho. Onai kuti mumwe nomumwe wenyu angapindura sei mubvunzo wacho nemashoko ake. Chidzidzirai izvi mumwe achibvunza mubvunzo mumwe achipindura. Mune rimwe denderedzwa nyorai mubvunzo wamungangobvunzwa uye mune rimwe racho nyorai mhinduro yamungapa.



- ▶ **ITAI IZVI:** Dzidzai zvakanwanda nezvemuprofitu Jeremiya. Kopai Kadhi reBhaibheri raJeremiya pajw.org. (Tarisai pakanzi ZVINODZIDZISWA NEBHAIBHERI > VANA > MAKADHI EVANHU VOMUBHAIBHERI.) Edzai kupindura mibvunzo iri pakadhi, uye onai kuti mhinduro dzacho dzakarurama here nokuverenga kadhi racho.